

Bosna i Hercegovina  
FEDERACIJA BOSNE I HERCEGOVINE  
SREDNJOBOSANSKI KANTON  
OPĆINA GORNJI VAKUF – USKOPLJE  
OPĆINSKA IZBORNA  
KOMISIJA



Bosna i Hercegovina  
FEDERACIJA BOSNE I HERCEGOVINE  
KANTON SREDIŠNJA BOSNA  
OPĆINA GORNJI VAKUF – USKOPLJE  
OPĆINSKO IZBORNO  
POVJERENSTVO

Broj: 01-05- 55 /18

Datum: 04.05.2018 god.



BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
KANTON SREDIŠNJA BOSNA  
OPĆINA GORNJI VAKUF-USKOPLJE  
OPĆINSKO VIJEĆE

**OPĆINSKO VIJEĆE**  
**OPĆINA GORNJI VAKUF – USKOPLJE**

PRIMLJENO: 07.05.2018.			
ORG. JED.	BROJ	PRILOGA	VIJEĆ
01-05-	551	18	

Predmet: Odgovor na vijećničko pitanje sa 11. sjednice Općinskog vijeća  
općine Gornji Vakuf – Uskoplje

KARAMUSTAFIĆ NASER - SDP:

Pitanje:

1. Da li Općinska izborna komisija ima namjeru pročitati biračke spiskove od umrlih osoba i osoba koje su odjavile mjesto prebivališta iz općine Gornji Vakuf – Uskoplje?

Odgovor:

Općinska izborna komisija općine Gornji Vakuf – Uskoplje kontinuirano vrši poslove kontrole biračkih spiskova na području općine Gornji Vakuf – Uskoplje. U toku 2018. godine prečistili smo kompletan birački spisak za našu općinu i utvrdili da se na biračkom spisku nalazi 80 lica koja su umrla, te smo pokrenuli proceduru da se ista lica izbrišu sa biračkog spiska. Ono što predstavlja problem jeste da nakon saznanja da su neka lica umrla a da se nalaze na biračkom spisku općinska izborna komisija izvrši provjeru u matičnom uredu gdje dobijemo informaciju da za ta lica nije izvršen upis smrti u matičnom uredu i samim tim navedena lica se ne mogu brisati. Također smo obavijestili centralnu izbornu komisiju BiH i sve nadležne matične urede da je potrebno naći zakonito Rješenje kako bi navedena lica bila skinuta sa biračkih spiskova, a lica koja mijenjaju prebivalište se automatski prebacuju na druga biračka mjesta podnošenjem zahtjeva za promjenu prebivališta, te na našoj općini nema izraženih slučajeva.

Dostaviti:

- naslovu
- a/a



PREDSJEDNIK OPĆINSKE  
IZBORNE KOMISIJE  
Osman Sofić, dipl. pravnik.





Broj:04-23-sl/18  
Datum:03.05.2018. godine

**Općinsko vijeće**  
**Općina Gornji Vakuf - Uskoplje**



Predmet : Odgovori na vijećnička pitanja sa 11 sjednice Općinskog vijeća općine Gornji Vakuf - Uskoplje

**Karamustafić Naser – SDP BiH**

Pitanje:

1. Zašto nije postavljen trakasti ležeci policajac u ulici Vrbaska kod Vatrogasnog doma?

Odgovor:

1. Na ovo pitanje je već odgovoreno na jednoj od prethodnih sjednica Općinskog vijeća općine Gornji Vakuf – Uskoplje.

**KLUB – SDP**

Pitanja:

1. Iz kojeg izvora sredstava načelnik i vlast u Općinskom vijeću (SDA, SBB, HDZ) bi trebali početi najavljenju rekonstrukciju gradske ulice, kad nam je svima poznato da općina nije dobila sredstva od viših nivoa vlasti, niti kredit od komercijalnih banaka za izgradnju iste?

2. Mještani MZ Centar 1 pitaju zašto općinska nadležna služba nije postavila rasvjetna tijela u ulici Preporodova bb, jer poražavajuća je činjenica da se ulica nalazi u samom centru grada, 30 m od centralne džamije, a da nema gradsku rasvjetu?

3. Kada će doći do rekonstrukcije ulice Šehitluci koja se nalazi kod gornje džamije?

Odgovori:

1. Svim vijećnicima je poznato da je usvojena Odluka Općinskog vijeća o prihvaćanju kredita Evropske investicijske banke (EIB) za Projekt vodovoda i kanalizacije Općine Gornji Vakuf – Uskoplje. Na osnovu ove Odluke, potpisanog ugovora o kreditu sa Federalnim ministarstvom finansija u iznosu 3.093.970,51 KM, te grantova (oko 500.000,00 KM) od nadležnih Kantonalnih ministarstava i Fonda za zaštitu okoliša FBiH na osnovu aplikacija koje smo uputili, i naravno vlastitim sredstvima iz Budžeta općine koji je usvojen na općinskom vijeću i koji je prepoznao realizaciju ovog projekta, općina može realizovati ovaj projekat.

2. Projektom “Rekonstrukcija vodovodne i kanalizacione mreže užeg urbanog dijela općine Gornji Vakuf – Uskoplje” ukupne vrijednosti oko 6.800.000,00 KM između ostalog planirana je i rekonstrukcija Javne rasvjete ulice Preporodova.


3. Također projektom “Rekonstrukcija vodovodne i kanalizacione mreže užeg urbanog dijela općine Gornji Vakuf – Uskoplje”, između ostalog planirana je i rekonstrukcija ulice Šehitluci koja se nalazi kod gornje džamije. Nadamo se da će ubrzo uslijediti potpis ugovora sa odabranim izvođačem radova i realizacija prve faze ovog projekta.

Sa poštovanjem,



Bosna i Hercegovina  
Federacija Bosne i Hercegovine  
Srednjobosanski kanton  
JU "Centar za obrazovanje, sport i kulturu"  
tel/fax: 030/265-304 Transakcioniračun: 1414385320010585  
E-mail: nerminagudic@hotmail.com Identifikacioni broj: 4236295420004

Broj: 20/18  
Datum: 03.05.2018.godine



PRIMLJENO: 03.05.2018.			
OPĆINSKO VIJEĆE	BROJ	PRILOGA	POSREDOVANJE
01-05	55/18		

**OPĆINA GORNJI VAKUF-USKOPLJE**  
**OPĆINSKO VIJEĆE**

Predmet: Odgovor na vijećnička pitanja, dostavlja se.-

Poštovani,

Dostavljamo Vam odgovor na vijećnička pitanja koja su postavljena na 11. sjednici Općinskog vijeća Gornji Vakuf-Uskoplje.

1. Na zahtjev stanara zgrade uz Sportsku dvoranu postavlja se pitanje Načelniku i direktoru JU "Centra za obrazovanje, sport i kulturu": Šta su uradili po pitanju dimnjaka na Sportskoj dvorani?  
Problem dimnjaka će biti riješen prije nego što krene grejna sezona.

2. Šta je sa bistama boraca iz proteklog NOR-a?  
Smatram da nisam kompetentna da odgovorim na ovo pitanje, jer Biste koje spominjete 2009.godine kada sam došla na ovo radno mjesto već nisu bile tu (ako mislite na Biste koje su bile ispred Centra?).

Direktor Gudić Nermina








Broj: 02/4-4- 1-04-2-381/18. IZ  
Dana: 20.04.2018. godine.

## OPĆINA GORNJI VAKUF-USKOPLJE OPĆINSKO VIJEĆE

**PREDMET: Odgovor na zahtjev, dostavlja se**  
**VEZA: Vaš akt broj 01-OV-11/18 od 09.04.2018.**



PRIMLJENO: 23.04.2018.			
ORG. JED.	BROJ	PRILOGA	VRJED
01-05	551/18		

U vezi zahtjeva iz Vašeg akta broj i datum gornji, u kojem tražite odgovor na postavljena vijećnička pitanja, obavještavamo Vas da ova PS tijekom 2017. godine i u prva tri mjeseca ove godine, bilježi povećanje broja kaznenih djela „Krađa“ i „Teška krađa“, koji se najčešće događa u naseljima u kojima se nalazi veliki broj praznih obiteljskih kuća i stanova.

Od 01.01.2017. godine do danas na području naše općine evidentirano je 18 teških krađa od kojih je 5 rasvijetljeno (2 iz ranijeg perioda).

S tim u vezi ova PS kontinuirano sačinjava planove mjera i radnji s ciljem prevencije ovih kaznenih djela što predviđa i pojačan operativni rad na terenu, provjere alibija kriminogenih osoba, što je rezultirao uhićenjem dvije osobe sa područja Prozora-Rame, koje se sumnjice za izvršenje teških krađa na našem području, dok su još dvije osobe u bijegu.

Analizirajući stanje kriminaliteta u 2017. godini, sa uporednim pokazateljima za 2016. i 2015. godinu, može se konstatirati da je ukupan broj kaznenih djela u opadanju, te se može reći da je stanje u oblasti kriminaliteta zadovoljavajuće, pogotovo ako se uzme u obzir da su kaznena djela koja su izazvala uznemirenje javnosti rasvijetljena i procesuirana. Također je postignut značajan pad u broju ukradenih motornih vozila, čija je pojava na području naše općine gotovo iskorijenjena.

Potrebno je naglasiti da bi rad policijskih službenika bio znatno efikasniji kada bi se unaprijedila komunikacija između policije i građana, u smislu prijavljivanja svih aktivnosti koji se građanima učine sumnjivima.

**S poštovanjem!**

**ZAPOVJEDNIK/KOMANDIR**  
Viši inspektor  
Osman Filan 



PRIMLJENO: 23.04.2018.			
ORG. JED.	BROJ	PRILOGA	VRJED.
01-05	557	18	

## VIJEĆNIČKO PITANJE

sa 11. sjednice Općinskog vijeća Gornji Vakuf-Uskoplje

### **NASER KARAMUSTAFIĆ- SDP**

#### **Pitanje:**

Da li načelnik općine i vlast u vijeću koju čine (SDA, HDZ, SBB) smatraju da bi trebali riješiti zahtjev demobiliziranih branitelja o ukidanju financiranja braniteljskih udruga iz proračuna Općine Gornji Vakuf-Uskoplje?

#### **Odgovor:**

Koliko mi je poznato nijedna udruga o kojoj govorite nije zatražila od Općinske uprave Gornji Vakuf-Uskoplje da se braniteljske udruge ne sufinanciraju iz proračuna općine niti je bilo koja takva udruga odbila primiti novac iz proračuna za svoje djelovanje. Naprotiv, od općine traže da im pomogne u njihovu radu sa ciljem rješavanja mnogih problema sa kojima se susreće braniteljska populacija.

U proračunu općine Gornji Vakuf-Uskoplje za 2018. godinu, a koji je usvojilo Općinsko vijeće, za sufinanciranje rada svih udruga (udruge proistekle iz rata, udruge iz oblasti kulture, sporta i druge udruge) na području naše općine planirano je ukupno 196.000,00 KM, a od toga iznosa za udruge proistekle iz rata planirano je 38.000,00 KM.

Udruge proistekle iz rata sredstva koja dobiju iz proračuna općine utroše za obilježavanje prigodnih datuma, pružanje humanitarne pomoći najugroženijim članovima, organizirano pružanje pomoći u prevladavanju zdravstvenih, pravnih, obiteljskih i drugih teškoća svojih članova, rehabilitaciju svojih članova i druge aktivnosti. Sredstva koja dobiju od općine za svoj rad nisu ni približno dovoljna za ciljeve i djelatnost za koju su udruge osnovane.

U pripremi je Zakon o udrugama građana od posebnog društvenog značaja i njegovim usvajanjem u federalnom parlamentu mnoge stvari će biti jasnije vezano za udruge proistekle iz rata, njihovo financiranje odnosno sufinanciranje iz proračuna i druga pitanja.

S obzirom da je proračun općine za 2018.godinu usvojen, općinska uprava će nastaviti transparentno i odgovorno raspolagati sredstvima koja su planirana u proračunu sukladno Odluci o izvršenju proračuna za 2018.godinu.

Gornji Vakuf-Uskoplje,  
17.04.2018. godine



POMOĆNIK NAČELNIKA  
Branko Matijanić, dipl. pravnik